



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK**

telefon: 035/668-650

fax: 035/ 668-672

Alije Izetbegovića 60-2

75246 Čelić

Broj: 02-30-1907-1/26

Čelić, 14.07.2026.godine

Na osnovu člana 84. stav 5. Zakona o državnoj službi u Tuzlanskom kantonu („Službene novine Tuzlanskog kantona“, 11/24-prečišćen tekst), člana 14. Pravilnika o radnim odnosima, disciplinskoj odgovornosti, plaćama i naknadama državnih službenika i namještenika općinskog organa uprave općine Čelić broj: 02-34-2862/07 od 03.07.2007.godine, broj: 02-34-2862/07 od 15.10.2007.godine, broj: 02-34-2862-1/07 od 15.09.2014.godine, člana 5. Pravilnika o kriterijima, postupku izbora i prijema lica na stručno osposobljavanje bez zasnivanja radnog odnosa u jedinstveni općinski organ uprave općine Čelić broj: 02-30-2628/20 od 27.10.2020.godine, člana 39. Statuta Općine Čelić („Službeni glasnik Općine Čelić“, broj: 3/17) i Odluke o potrebi prijema lica na stručno osposobljavanje bez zasnivanja radnog odnosa broj: 02-30-1907/26 od 13.07.2026.godine Općinski načelnik raspisuje:

JAVNI OGLAS

za prijem volontera sa srednjom stručnom spremom u Općini Čelić

I

Radi stručnog osposobljavanja za samostalan rad na poslovima iz svoje struke i sticanja potrebnog radnog iskustva, bez zasnivanja radnog odnosa (volonterski rad), raspisuje se Javni oglas za prijem volontera sa srednjom stručnom spremom u općini Čelić i to:

1. Volonter – SSS- IV stepen stručne spreme, turistički tehničar – 1 (jedan) volonter.

II

Kandidati trebaju ispunjavati opće uslove i to:

- da je državljanin Bosne i Hercegovine,
- da je stariji od 18 godina,
- da ima opću zdravstvenu sposobnost,
- da nije obuhvaćen odredbom člana IX. stav 1. Ustava Bosne i Hercegovine.

III

Pored općih uslova, kandidati trebaju ispunjavati i posebne uslove i to:

- SSS- IV stepen- turističkog smjera,
- da se nalazi na evidenciji nezaposlenih osoba kod JU Službe za zapošljavanje TK nakon sticanja srednje stručne spreme,
- da nije obavio pripravnički staž/volonterski rad u struci do prijave na Javni oglas.

IV

Uz prijavu koja treba da sadrži kratku biografiju i kontakt podatke, kandidat je dužan priložiti, u originalu ili ovjerenoj fotokopiji sljedeće dokaze:

- uvjerenje o državljanstvu,

- izvod iz matične knjige rođenih,
- dokaz o završenom školovanju (završne ocjene svih godina srednje škole i ocjena maturalnog ispita),
- fotokopija lične karte ili potvrda o prebivalištu PBA-3,
- dokaz o dužini nezaposlenosti (Uvjerenje Službe za zapošljavanje),
- izjava da nije obuhvaćen odredbom člana IX. Stav 1. Ustava Bosne i Hercegovine, ovjerena od strane nadležnog organa,
- izjava da nije obavio pripravnički staž/volonterski rad u struci do prijave na javni oglas, ovjerena od strane nadležnog organa.

Ukoliko su kandidatu jedan ili oba roditelja sudjelovala u odbrambenom ratu, ili je kandidat sudjelovao u istom može uz traženu dokumentaciju priložiti i uvjerenje nadležnog organa o navedenim činjenicama.

Ukoliko kandidat ne dostavi dokaz o ispunjavanju kriterija iz prethodnog stava, neće biti bodovan po tom osnovu, odnosno neće ostvariti prednost pod jednakim uslovima.

Kandidat koji bude izabran za volontera, uvjerenje o zdravstvenoj sposobnosti ima dostaviti najkasnije do završetka prvog mjeseca volontiranja po zaključenom Ugovoru o stručnom osposobljavanju.

V

Izbor i prijem lica na stručno osposobljavanje vrši se u skladu sa jedinstvenim kriterijima Pravilnika o kriterijima, postupku izbora i prijema lica na stručno osposobljavanje bez zasnivanja radnog odnosa u jedinstveni općinski organ uprave općine Čelić broj: 02-30-2628/20 od 27.10.2020.godine.

Odabir kandidata za stručno osposobljavanje vršit će se na osnovu kriterija prosjeka ocjena završene srednje škole, dužine trajanja nezaposlenosti nakon završenog srednjeg obrazovanja, invalidnosti (ako je kandidat ima), mjestu prebivališta.

U slučaju da kandidati imaju isti broj bodova prednost pod jednakim uslovima imaju članovi porodica šehida, poginulih, umrlih i nestalih branilaca, ratnih vojnih invalida, dobitnika ratnih priznanja i odlikovanja i demobilisanih boraca, u skladu sa odredbama Zakona o dopunskim pravima branilaca i članova njihovih porodica („Službene novine Tuzlanskog kantona“, broj: 8/26- prečišćen tekst).

VI

Međusobna prava i obaveze između Općine Čelić i volontera uređuju se ugovorom. Ugovor o volonterskom radu se zaključuje u pisanoj formi na period do šest (6) mjeseci.

VII

Podnošenje prijave:

Prijave sa navedenom dokumentacijom kojom se dokazuje da kandidat ispunjava opće i posebne uslove dostavljaju se lično u Općinu Čelić ili preporučenom pošiljkom u zatvorenoj koverti sa naznakom:

„PRIJAVA NA JAVNI OGLAS ZA PRIJEM VOLONTERA– NE OTVARATI“
na adresu: Općina Čelić, Ulica Alije Izetbegovića 60-II, 75246 Čelić

u roku od 15 dana od dana objavljivanja oglasa.

Javni oglas će biti objavljen na oglasnoj tabli i web stranici Općine Čelić.

Nepotpune i neblagovremene prijave neće biti uzete u razmatranje.



OPĆINSKI NAČELNIK

Admir Hrustanović, dipl.oec